

Olim conciliari constitutione cautum est, vt non solum apud quamlibet cathedralem ecclesiam, sed & apud alias nimirum collegiatas, quarum sufficere poterunt facultates, cōstituantur magister idoneus qui clericos earundem ecclesiarum doceat & instituat, Apud metropolim autem theologū haberi præceptum est, qui sacerdotes ac quoscunq; alios in sacris literis doceat. Et in his præsertim instituat, quæ ad curā animarum pertinere dinoscuntur. Visum etiā Concilio fuit, vt singulis magistris vnius præbendæ prouentus tantisper quoad in docendo perstiterint, assignentur. Cuius quidē saluberrimæ cōstitutionis vix vestigia quædā apud eiuscemodi ecclesias reliqua videmus. Nā vt scholas ipsas reperiās, didascalū tamen vix vllum eruditū ac pium reperiās, q̄ nihil pene stipēdiū (ne dicamus vnius p̄bendæ prouentus) illi suppeditetur, q̄d emēdatione magna indiget. Neq; em̄ hæc res leuis momenti est, a qua totius propemodū reipub. tum salus, tū pernitēs dependet.

c. i. & c. quia
nonnullis de
magis.

Qui huic viro victum suppeditabunt. Cap. III.

Cvrandum itaque, vt singula Collegia ludos literarios diligenter instituant, eisq; de idoneis ludimagistris ac sumptibus prospiciant, vbi Collegia non sunt, senatus & respublica idem curet.

Quemadmodū Academiæ instaurari ac studia ali possint. Cap. V.

Academiās seu Vniuersitates publicas per hanc hæresum colluuiem miserere perire cernimus, quas instaurari maxime in votis est. Id fieri posse nobis videtur, si modus aliquis inueniatur, quo pauperibus scholasticis ex ecclesiasticis stipendijs aliquid possit decidi, Clericos enim illos conuenit ecclesiasticis stipendijs sustentari, quibus parentum & propinquorum nulla bona suffragantur. Quo insuper professoribus atque his, qui in bonis literis, optimis quibusque disciplinis, ac in primis Theologiæ studijs multum profecissent, spes præmij fieret, Nam spes alit artes.

Pium votum ad studia subleuanda. Cap. VI.

ET quanquā hic articulus a summo pontifice potissimū pendere videat, tamen quod in nobis est, cuperemus omnes ordinarios collatores, p̄sertim parochialium ecclesiarum, huc induci posse, vt academiæ potestatem facerent, significandi subinde ipsi viros literatos ad regendum ecclesias eiuscemodi idoneos, quos ipsi collatores quibuscunq; alijs non idoneis præferent, ac parochijs quum vacarent, præficere non differrent, modo tamen personaliter residere non detrectarēt. Q; si idem apud collegiatas ecclesias (qui mense ordinario canonicatus & præbendas conferunt) obtineri possit, non dubium id plerisque, ad studia capessenda calcar fore non exiguum.

Concil.
Basilien.

Decretalem Honorij tertij, quoad eius fieri potest, renouari æquum esse. Cap. VII.

I ij Præter